



**ANUNCIO DO TRIBUNAL CUALIFICADOR DO PROCESO SELECTIVO CONVOCADO PARA A PROVISIÓN DE UNHA PRAZA DE XESTOR/XESTORA DE CONTIDOS E SOPORTE DE ADMINISTRACIÓN ELECTRÓNICA, GRUPO C, SUBGRUPO C1, DA ESCALA DA ADMINISTRACIÓN ESPECIAL, SUBESCALA DE SERVIZOS ESPECIAIS, CLASE DE COMETIDOS ESPECIAIS, INCLUÍDA NA OFERTA DE EMPREGO PÚBLICO DOS ANOS 2017 E 2020, POLA QUENDA LIBRE**

En Pontevedra, a 03 de maio de 2021, sendo as 09:02 horas, reúnese na sala de reunións existente no primeiro andar do edificio municipal sito na rúa dos Ferreiros número 28-30, o Tribunal Cualificador do proceso selectivo convocado para a provisión de unha praza de xestor/xestora de contidos e soporte de administración electrónica, correspondente ao grupo C, subgrupo C1, da escala da administración especial, subescala de servizos especiais, clase de cometidos especiais, incluída na oferta de emprego público dos anos 2017 e 2020, pola quenda libre, baixo a presidencia de dona Raquel Troitiño Rey, técnica media do Servizo de Coordinación Tributaria do Concello de Pontevedra e coa asistencia dos vogais don Jaime Barba García-Borregón, informático do Servizo de Informática do Concello de Pontevedra; don Luis Pereira Cruz, técnico informático da Deputación provincial de Pontevedra; don Rubén Gómez González, responsable de portais web da Deputación provincial de Pontevedra e de dona Eva María Córdoba Márquez, administrativa xefa de negociado do Servizo de Urbanismo, Medio Ambiente e Patrimonio Histórico, en calidade de Secretaria, quen dá fe do acto. (...)

**MEDIDAS DE PREVENCIÓN E HIXIENE FRONTE Á COVID-19.** Ante a situación sanitaria provocada pola Covid-19, vistas as medidas de prevención e hixiene fronte ao Covid-19 para a realización de probas selectivas remitidas polo técnico superior de prevención de riscos laborais do Servizo de Persoal do Concello de Pontevedra, as recomendacións das autoridades sanitarias e a normativa aplicable a nivel autonómico e estatal, o Tribunal acorda por unanimidade establecer as seguintes medidas xerais de prevención protección e hixiene fronte ao Covid-19, coa finalidade principal de garantir a máxima seguridade sanitaria dos membros do tribunal, persoal colaborador e auxiliar así como dos aspirantes que participen nas distintas probas do proceso selectivo, que se deberán respectar e cumprir en todo o proceso selectivo, sen prexuízo da normativa de obrigado cumprimento aprobada pola Xunta de Galicia e polo Goberno do Estado:

*"(...) 1. MEDIDAS XERAIS DE PREVENCIÓN*

*Con carácter xeral é fundamental observar as seguintes medidas:*

- Hixiene de mans de forma frecuente e meticulosa.*
- Cubrirose o nariz e boca cun pano ao tusir e espirrar e desbotalo nunha papeleira ou cubo de lixo. De non dispor de panos, empregar a parte interna do cóbado para no contaminar as mans.*
- Evitar tocarse os ollos, o nariz e a boca.*
- Manter una distancia interpersoal de 1,5 ou superior, nos termos determinados polas autoridades sanitarias.*
- Utilizar máscara hixiénica de seguridade en todo momento.*

**2. MEDIDAS ESPECÍFICAS DIRIXIDAS Á PROTECCIÓN DAS PERSOAS ASPIRANTES**

*No desenvolvemento da probas selectivas, as persoas aspirantes terán en conta o seguinte:*

- Non poderán acceder ao lugar das probas persoas con síntomas compatibles co COVID-19, ás que se lles diagnosticaron a enfermidade e que non finalizaran o período de illamento requirido ou as que se encontren en período de corentena.*
- No caso de que a persoa participante pertenza a poboación vulnerable para COVID-19 deberán seguir as indicacións do seu profesional sanitario de referencia respecto das medidas de prevención máis adecuadas.*
- Ás persoas participantes con diversidade funcional ou necesidades específicas facilitaráselles as adaptacións que precisen, cos criterios de prevención que sexan necesarios.*
- A fin de evitar aglomeracións na entrada ao lugar das probas, deberase acceder ao centro ou instalacións sen a compañía de terceiras persoas, salvo que se precise do seu auxilio por razóns de disfuncionalidade.*
- As persoas aspirantes deberán acudir con máscara e permanecer con ela posta de forma correcta durante todo o tempo de permanencia no centro ou instalacións onde teña lugar a proba, manter a distancia de seguridade interpersoal (de 1,5 ou superior), seguir o percorrido indicado así como aquelas outras indicacións que emitan os membros do tribunal cualificador ou as persoas colaboradoras.*



- Non se poderá permanecer en corredores nin zoas comúns, nin agardar ao resto dos aspirantes dentro das instalacións ou no interior do centro onde teñan lugar as probas selectivas.

- No caso de emprego de material de uso persoal (como bolígrafos) facilitado pola Administración para o desenvolvemento da proba, non se devolverán ao tribunal por parte dos aspirantes, por motivos de prevención sanitaria.

- Os xustificantes de asistencia ás probas selectivas non se emitirán nin entregarán por parte do tribunal cualificador en soporte papel no propio acto da proba, senón que deberán solicitarse por rexistro, preferentemente a través da Sede electrónica, para o que deberá sinalarse un enderezo de correo electrónico para a remisión, por parte do tribunal, do correspondente xustificante de asistencia, o que se realizará á maior brevidade posible.

- Sen prexuízo do anterior, os tribunais cualificadores poderán adoptar aquelas outras medidas de prevención específicas que consideren necesarias en función das particularidades e/ou tipoloxía da proba a realizar, as cales deberán ser respectadas e cumpridas polas persoas aspirantes. Para estes efectos poderase consultar co técnico de prevención de riscos laborais do Concello.

### 3. MEDIDAS XERAIS DE INFORMACIÓN E ACTUACIÓN

Con carácter xeral infórmase ás persoas aspirantes das seguintes medidas:

- Antes da realización da proba: hixiene de mans, distancia interpersoal de polo menos 1,5 metros, uso correcto de máscara, etiqueta respiratoria.

- Lémbrese a necesidade de respectar as medidas de prevención indicadas nos medios de transporte, tanto públicos como privados, que se poidan utilizar para o desprazamento aos lugares de exame, segundo a lexislación vixente.

- No acceso ás instalacións, centros, edificios ou aulas se porá a disposición das persoas aspirantes e dos membros do tribunal envases de xel con preparados de base alcohólica para realizar a hixiene de mans, polo menos ao entrar e saír, e sempre que sexa preciso.

- O tribunal disporá de máscaras hixiénicas para os casos de ser necesaria a súa entrega aos aspirantes, sen prexuízo da obriga de presentarse no lugar da proba provisto de máscara hixiénica.

- Habilitarase un espazo separado para as persoas que acrediten a condición de colectivo vulnerable polo COVID-19, condición que deberá ser comunicada ao tribunal coa suficiente antelación.

- A limpeza e desinfección das instalacións efectuarase antes e despois de finalizar as probas de cada proceso selectivo.

- O uso do aseo realizarase de forma individual, seguindo as instrucións dos membros do tribunal e as regras xerais establecidas en cada centro.

- Deberán acceder ás instalacións onde se realizan os exames co menor número de pertenzas persoais posible, que serán deixadas no chan debaixo da mesa ao seu carón ou ben nas bolsas que se entregarán polo tribunal a tal efecto (...)"

**CHAMAMENTO DO PRIMEIRO EXERCICIO DA FASE DE OPOSICIÓN.-** Ao obxecto de garantir o cumprimento das medidas adoptadas, ou que poidan ser adoptadas polas autoridades sanitarias en relación coa Covid-19, as persoas aspirantes terán en conta as seguintes medidas no chamamento á primeira proba do proceso selectivo da fase de oposición, exercicio tipo test:

- O chamamento realizarase o día 19 de maio de 2021, na Sala de Obradoiro, sita no andar 0 do Pazo da Cultura, situado na rúa de Alexandre Bóveda, s/n, polo que deberán permanecer diante da amentada porta evitando aglomeracións e cunha distancia de seguridade de 1,5 metros entre as persoas e sempre co uso obrigatorio da máscara.

- O chamamento das persoas aspirantes á primeira proba da fase de oposición do proceso selectivo, exercicio tipo test, será único, realizarase ás 16:00 horas e comezará por orde alfabética pola letra "S", de conformidade co listado definitivo de admitidos publicado no BOP número 83, de data 04 de maio de 2021 (..)"

**PUBLICACIÓN DO RESULTADO.-** O Tribunal dispón que pola secretaria se publiquen no taboleiro de anuncios do Concello de Pontevedra, sito na rúa Michelena número 30 (baixo) e de forma complementaria se publiquen na sede electrónica do Concello de Pontevedra (sede.pontevedra.gal), as medidas de prevención e hixiene fronte ao COVID-19 adoptadas polo tribunal do proceso selectivo convocado para a provisión de unha praza de





CONCELLO DE  
PONTEVEDRA

xestor/xestora de contidos e soporte de administración especial, grupo C, subgrupo C1, da escala da administración especial, subescala de servizos especiais, clase de cometido especiais, incluída na oferta de emprego público dos anos 2017 e 2020, pola quenda libre.

A secretaria do Tribunal

Michelena, 30; 36071-Pontevedra; 986100185

Este documento foi asinado electronicamente no Concello de Pontevedra. Pode comprobar a súa autenticidade en: <https://sede.pontevedra.gal> introducindo o seguinte código seguro de verificación: YPONFD2GN1VQ4SR5

